

KANTON SARAJEVO-STRUČNA SLUŽBA ZA ZAJEDNIČKE POSLOVE,
Ulica Reisa Džemaludina Čauševića 1,

Identifikacioni broj: 4200667410006, (u daljem tekstu: **Služba**)

FEDERALNI ZAVOD ZA POLJOPRIVREDU SARAJEVO,
Butmirska cesta br. 40, 71000 Sarajevo

Identifikacijski broj: 4201121150000, (u daljem tekstu : **Zavod**)

zaključili su

UGOVOR

o korištenju kancelarijskog prostora

I OSNOV ZA ZAKLJUČENJE UGOVORA

Član 1.

Osnov za zaključenje ovog ugovora je Zaključak Vlade Federacije Bosne i Hercegovine, broj 376/2013 od 15.05.2013. godine (u daljem tekstu: Zaključak) kojim je Vlada Federacije BiH dala saglasnost Zavodu da sa Ministarstvom privrede Kantona Sarajevo zaključi ugovor o ustupanju prostora na korištenje.

Ugovor o korištenju prostora za potrebe Kantona Sarajevo u ime Kantona zaključuje Služba, a prostor će koristiti Ministarstvo privrede, Sektor za poljoprivredu, vodoprivredu i šumarstvo – Odjeljenje za poljoprivredne stručne poslove.

II PREDMET UGOVORA

Član 2.

Predmet ovog ugovora je regulisanje međusobnih odnosa između Službe i Zavoda za korištenje prostora koji je u vlasništvu Zavoda u objektu u Butmirskoj cesti br. 40 Općina Ilidža, a koje se odnosi na:

- (1) Korištenje kancelarijskog prostora koji se sastoji od tri kancelarije cca 75m² na drugom spratu;
- (2) Korištenje mokrog čvora na drugom spratu;
- (3) Korištenje prilaznog stepeništa za kancelarije;
- (4) Plaćanje naknade za režijske troškove električne energije za rasvjetu i računare, centralnog grijanja, vode te čišćenja stepeništa i hodnika do kancelarija koje koriste zaposlenici Odjeljenja za poljoprivredne stručne poslove – Sektora za poljoprivredu, vodoprivredu i šumarstvo Ministarstva privrede Kantona Sarajevo.

III NAKNADA ZA KORIŠTENJE I REŽIJE

Član 3.

Na osnovu Zaključka korištenje prostora iz člana 2. ovog Ugovora, Zavod daje na korištenje **bez naknade** Odjeljenju za poljoprivredne stručne poslove Ministarstva privrede Kantona Sarajevo.

Ugovorne strane su saglasne da režijske troškove električne energije, centralnog grijanja, vode i čišćenja prilaznog stepeništa plaća Služba mjesečno na račun Zavoda u utvrđenom ukupnom paušalnom iznosu od **85,00 KM** tokom cijelog trajanja ugovorenog perioda.

Član 4.

Ugovorne strane su saglasne da čišćenje ustupljenog kancelarijskog prostora i mokrog čvora vrši lice koje će biti angažovano i plaćeno od strane korisnika prostora.

IV VRIJEME TRAJANJA KORIŠTENJA PROSTORA

Član 5.

Kancelarijski prostor se daje na korištenje do 31.12.2020. godine, sa mogućnošću produženja za period od jedne godine.

V OBAVEZE UGOVORNIH STRANA

Član 6.

Zavod se obavezuje da će omogućiti nesmetano korištenje prostora iz člana 2. ovog ugovora.

Član 7.

Služba se obavezuje da će mjesečno u periodu od 01. do 15. tekućeg mjeseca redovno izmirivati obaveze plaćanja režijskih troškova na transakcijski račun broj:

338 000 221 152 84 91 kod Unicredit banke d.d. Sarajevo uz obavezno navođenje:

- 1) budžetska organizacija: 5901001;
- 2) općina: 078.

VI ZAVRŠNE ODREDBE

Član 8.

Ugovorne strane su saglasne da sve eventualne sporove koji bi mogli nastupiti prilikom realizacije ovog ugovora rješavaju dogovorom, a u protivnom dogovorena je nadležnost suda u Sarajevu.

Član 9.

Ovaj ugovor stupa na snagu danom potpisivanja od strane obje ugovorne strane.

Član 10.

Ovaj Ugovor je sačinjen u pet (5) istovjetnih primjeraka od kojih svaka ugovorna strana zadržava po dva (2) primjerka, a Ministarstvo privrede Kantona Sarajevo jedan (1) primjerak.

STRUČNA SLUŽBA ZA ZAJEDNIČKE
POSLOVE KANTONA SARAJEVO



Broj:17-14-37235-1

FEDERALNI ZAVOD ZA
POLJOPRIVREDU SARAJEVO



Broj: 04-49-1206/19/
Sarajevo, 31.05.2019.

